


Itala lingvo

La **itala lingvo** ( aŭskultu; itale: *Italiano*) estas latinida lingvo, el la familio de hindeŭropaj lingvoj. Ĝi estas bazita sur la klerula florenca varianto de la toskana dialekto uzita en la dekkvara jarcento, kiu kiel la aliaj dialektoj de Italio devenas de la neklerula latina lingvo parolata post la disfalo de la romia imperio.

Ĝi estas parolata de 70 milionoj, precipe en Italio kaj Svislando.

La unua teksto en la itala estas de 960. Inter 960–1225 la itala fariĝis literatura lingvo. Dum la 14-a jarcento la florenca dialekto, kiel formigita de Dante Alighieri, Giovanni Boccaccio kaj Francesco Petrarca, fariĝis la normo, spite de la manko de politika unueco en Italio ĝis la 19-a jarcento. Tamen plejmulto de la nekleraj homoj daŭrigis parolante nur siajn regionajn lingvojn ĝis la fino de la dua mondmilito. Ĝis la kvindekaj jaroj, nur bone instruitaj homoj kapablis paroli ĝin, dum la plej multo de la homoj nur parolis sian lokan dialekton. Pro la disvastigo de la televido, kiu ĉiam dissendas en la itala, kaj ĝenerala instruado en publikaj lernejoj, kie oni lernas nur en la itala, la plej multo de italoj nuntempe bone konas la norman italan.

Dum la 16-a kaj la 17-a jarcentoj la itala lingvo ĝuis grandan prestiĝon en Eŭropo. Ĝi fariĝis kaj plejparte daŭre restas la lingvo de la muzikaj terminoj. Ĝis komenco de la 19-a jarcento la operoj estis verkitaj en la itala lingvo, eĉ se la komponanto estis en Anglio, Germanio kiel Georg Friedrich Händel, Aŭstrio kiel Mozart aŭ en Rusio.

Enhavo

Fonologio

Alfabeto kaj prononco

Digrammi (*digrammi*)

Akcento


Simplaj frazoj

Italdevenaj esperantaj vortoj

Muziko

Itala lingvo

Italiano



Teritorioj kun signifa nombro de ital-parolantoj

Parolata en

Italia, San-Marino,
Vatikanurbo, Svislando,
Slovenio, Kroatio, Francio,
Monako, Libio, Tunizio,
Eritreo, Etiopio, Somalia,
Malto, Albanio, Kanado,
Argentino, Brazilo,
Meksiko, Venezuelo

Parolantoj

64 819 790

Denaskaj parolantoj proksimume 70 milionoj

Fremdlingvo / dua lingvo por proksimume 55 milionoj

Skribo

latina

Lingvistika **klasifiko**

Hindeŭropa lingvaro

Italika lingvaro

Latinida lingvaro

Orienta latinida lingvaro

Itala lingvo

Oficiala statuso

Oficiala lingvo en

Italia, San Marino,
Vatikanurbo, Svislando

Reguligita de

Accademia della Crusca

Lingva statuso

1 sekura

Lingvaj kodoj

Lingvaj kodoj

ISO 639-1

it

ISO 639-2

ita

ISO 639-3

ita

SIL

ITN

Fonologio

	Bilabialoj	Labial-dentaloj	Alveolaroj	Post-alveolaroj	Palataloj	Velaroj
Nazaloj	<u>m</u>		<u>n</u>		<u>ɲ</u>	
Plozivoj	<u>p</u> , <u>b</u>		<u>t</u> , <u>d</u>			<u>k</u> , <u>g</u>
Afrikatoj			<u>tʃ</u> , <u>dʒ</u>	<u>tʃ</u> , <u>dʒ</u>		
Frikativoj		<u>f</u> , <u>v</u>	<u>s</u> , <u>z</u>	<u>ʃ</u> , (<u>ʒ</u>)		
Triloj			<u>r</u>			
Lateraloj			<u>l</u>		<u>ʎ</u>	
Alproksimiĝoj					<u>j</u>	<u>w</u>

La vokaloj de la itala lingvo estas a, e, ɛ, i, o, ɔ kaj u.

Alfabeto kaj prononco

	Prononco
A	A
B	B
C	Ĉ antaŭ e , i ; K antaŭ ĉiuj aliaj konsonantoj kaj vokaloj (che , chi estas prononcataj kiel ke, ki)
D	D
E	E
F	F
G	Ĝ antaŭ e , i ; G antaŭ ĉiuj aliaj konsonantoj kaj vokaloj (ghe , ghi estas prononcataj kiel ge, gi)
H	Ne estas prononcata (bvl. vidi literojn C kaj G, kaj la digramon SC)
I	I
L	L
M	M
N	N
O	O
P	P
Q	K (post q estas ĉiam u kaj unu vokalo)
R	R
S	S (Z inter du vokaloj kaj antaŭ b , d , g , l , m , n , r kaj v)
T	T
U	U
V	V
Z	kiel en esperanto c aŭ <u>ĉ</u>

Digrammi (*digrammi*)

- **GN** estas prononcata kiel n
- **GLI** kiel ĝ kiam ĝi reprezentas la artikolon *gli* kaj ankaŭ kiam post ĝi estas vokalo (*aglio*, *figlio*), alie ĝi estas prononcata kiel en esperanto GLI (*glissare*, *negligente*, *glossario*).
- **SC** antaŭ **e**, **i** estas prononcata kiel ŝ, (ekzemple *pesce*, *fascia*). Ĝi estas prononcata kiel sk kiam ĝi estas antaŭ aliaj konsonantoj kaj vokaloj (ankaŭ **sche**, **schi** estas prononcataj kiel en esperanto *ske*, *ski*).

Akcento

La akcento estas skribata nur se ĝi troviĝas sur la lasta vokalo (ekzemple *città*, *però*, *più...*). Preskaŭ ĉiam ĝi estas sur la antaŭlasta silabo, sed povas esti sur la lasta, trialasta, kvaralasta kaj malofte eĉ sur la kvinlasta silabo. Cetere la akcento distingas la vorton *è* (ĝi estas), elparolata ε, de la vorto *e* (kaj), elparolata e, *lì* (tie) de *li* (ilin), *sì* (jes) de *si* (oni).

La sonoj kw kaj kkw povas esti esprimataj multmaniere. Kutime oni esprimas ilin respektive per **QU** (ekzemple *quadro*, pentraĵo) kaj **CQU** (ekzemple *acqua*, akvo) sed ekzistas esceptoj. Kelkaj vortoj uzas **CU** anstataŭ **QU** (ekzemple *cuoco*, kuiristo; *scuola*, lernejo; *cuore*, koro) kaj ekzistas ununura vorto, kiu uzas **QQU** anstataŭ **CQU**, nome *soquadro* (malordego).

La litero **H** neniam estas elparolata kaj distingas la vortojn *ha* (ĝi havas), *ho* (mi havas), *hanno* (ili havas) de *a* (al), *o* (aŭ) kaj *anno* (jaro). Cetere *ho* estas elparolata kiel o, *o* kiel o. Ĝi estas ankaŭ necesa por havi la sonojn *k*, *g*, *sk* antaŭ *e*, *i* (bonvolu vidi supre ĉe la priskriboj de tiuj literoj/digramoj).

Simplaj frazoj

Ciao! = Saluton!

Come stai? = Kiel vi fartas?

Sto bene = Mi fartas bone

Grazie = Dankon

Arrivederci = Ĝis revido

Buon giorno = Bonan tagon

Buona sera = Bonan vesperon

Buona notte = Bonan nokton

Ti amo = Mi amas vin.

Italdevenaj esperantaj vortoj

ĉielo, *fari*, *papo*, *se*, *sinjoro*, *voĉo*, *-ec-*, *-aĉ-*, *-et-*.

Muziko

Kelkaj muzikaj vortoj venas el la itala lingvo:

- Soprano
- Forte (Forto)
- Piano (Malforto)
- Crescendo (Kresĉendo)

La Patro Nia

Padre nostro che sei nei cieli,
sia santificato il tuo nome;
venga il tuo regno,
sia fatta la tua volontà,
come in cielo così in terra.
Dacci oggi il nostro pane quotidiano,
rimetti a noi i nostri debiti,
come noi li rimettiamo ai nostri debitori
e non ci indurre in tentazione,
ma liberaci dal male.
Amen

Vidu ankaŭ

- [Itala vikipedio](#)
- [Itala lingvo en Svislando](#)
- [Italaj dialektoj](#)
- [Listo de lingvoj laŭ parolantaro](#)
- [Itala literaturo](#)

Eksteraj ligiloj

- [Vortaroj el la itala \(http://www.dmoz.org/World/Esperanto/Informo/Vortaroj/Itala\)](http://www.dmoz.org/World/Esperanto/Informo/Vortaroj/Itala) ĉe la [Projekto por Malferma Katalogo](#)

Elŝutita el "https://eo.wikipedia.org/w/index.php?title=Itala_lingvo&oldid=6773071"

Ĉi tiu paĝo estis lastafoje redaktita je 12:43, 30 okt. 2019.

La teksto disponeblas laŭ la permesilo [Krea Komunaĵo Atribuite-Samkondiĉe 3.0 Neadaptita](#); eble aldonaj kondiĉoj aplikeblas. Vidu la [uzkondiĉojn](#) por detaloj.